

De Weihnachtsgans

Tiefgefroren do in dr Truh
liecht de Gans aus Dänemark
Vorleifich läss mr se in Ruh
noch in ihrn ganz weißn Sarg.

Uhne Bah, Kopp un Gekrös
ruht se sanft naabn ne Spinat.
Öb se wuhl eweng wär bös
is, des mr se schu schlachtn tat?


Oder is sis gar ze kalt ihr,
mr siehts an ihrer Gänsehaut...
Nu, se wird bestimmt net alt hier.
Morgn schu werd se aufgetaut.

Hm, welch Duft zieht ausn Hard,
durch de ganze Wuhning dann!
Mach, des gut dr Brotn ward
morgn kimmt fei dr Weihnachtsmann!

einglich vun Heinz Erhardt,
neins gebirgische iebertrogn vun Schmidt



Sölche schiene Schwamme
ham fei unnere Brückner's
gefunden !



Dr
erschte
Carls-
faller
Vor-
such in
diesn
Gahr!

FAHRDIENST für die Weihnachtsfeier

Wer am 15.12.17 zum Gästehaus „Am Adlerfelsen“
gefahren werden will, der möchte bitte anrufen:

Uta Schmidt, Tel. 2395

Sollte der Fahrdiensthabende nicht gleich erreichbar sein,
dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141

Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 87054000 389 220 7258
BIC: WELADED1STB

Unner Blatt`l



Nummer
153

Mitteilungsblatt des
Erzgebirgischen Heimatvereines Eibenstock

Dezember
2017

Δ V



Unner Eimstocker Märchnweihnachtsmarkt

Foto: Touristinfo

Eibenstocker Märchenweihnacht 2017

Freitag, 01.12.2017

- 19.00 "The Horseless Riders"
- Samstag, 02.12.2017**
- 13.30 Weihnachtliches vor der Eibenstocker Pyramide
Bergkapelle Johanngeorgenstadt
- 14.00 Feierliche Eröffnung der Märchenweihnacht mit Anschieben der Pyramide
- 14.15 "Großer Märchenumzug"
Bergkapelle Johanngeorgenstadt,
Schalmeienfreunde Falkenstein
Eibenstocker Schalmeien
- 15.00 Märchenankunft am Markt
- 15.45 Der Weihnachtsmann besucht den Weihnachtsmarkt
- 16.30 „Dance Factory“ Eibenstock
- 17.00 Weihnachtskonzert
Schalmeienzug Eibenstock e.V.
- 19.00 „Weihnachten im Erzgebirge“
Erzgebirgssensemble Aue

Sonntag, 03.12.2017

- 9.30 149. Kirchweihfestgottesdienst
- 13.30 – Das Turmcafé in der Stadtkirche
17.30 lädt zu Kaffee und Kuchen ein
- 13.30 „Weihnachtsgrüße aus Carlsfeld“
Feuerwehrkapelle Carlsfeld
- 14.30 „Dance-Aerobic-Kids“
- 15.00 Kita „Spatzenhaus“ & Grundschule
begrüßen den Weihnachtsmann
- 15.50 Weihnachtliches mit Simone Heyl
- 16.45 Der Weihnachtsmann besucht
Weihnachtsmarkt
- 17.00 Die Köhlermusikanten Sosa
stimmen auf das
Weihnachtsfest ein
- 18.00 Im Lichterglanz der Kirche
Posaunenchor Eibenstock
- Schauschnitzen im Schnitzerheim
Sa u. So 10.00 – 17.00
- Öffnungszeiten der „Amtsstube“
Sa u. So 11.00 – 20.00
- Stickereimuseum
Sa u. So 11.00 – 17.00
- Änderungen vorbehalten!

Wir gratulieren unseren Heimatfreunden

Monika Jung	am 13.12.	zum 58. Geburtstag
Erika Nötzold	am 22.12.	zum 78. Geburtstag
Lothar Richter	am 22.12.	zum 56. Geburtstag
Peter Müller	am 23.12.	zum 75. Geburtstag
Annemarie Baumgarten	am 25.12.	zum 92. Geburtstag
Christoph Kolbe	am 26.12.	zum 61. Geburtstag
Holger Wiech	am 30.12.	zum 57. Geburtstag

Wenn ich be menn Haizl stieh un's Pfeifl zu mer namm,
do denk ich mir un bleib derbei: Derham is doch derham!
(Anton Günther 1907)



Weihnachtsfeier am Freitag, 15. 12. 2017, 18.00 Uhr im Gästehaus „Am Adlerfelsen“



Noch ewos wichtichs wagn dr Planerei:
Wer an dr Weihnachtsfeier teilnimmt, der möcht des bitte bis'n
Freitag, den 8.12.2017 maldn! (Tel. 2141)
... un denkt dra, des jeder zur Feier aa wieder e klaans Packl mitbrengt!



...un nächstis Gahr is halt aa wieder e
Jahreshauptversammlung -
Hutznobnd:
am Donnerstag, 11. Januar 2018,
18.00 Uhr
im Vereinshaus



All unseren Mitgliedern und Freunden wünschen wir
eine frohe und besinnliche Weihnachtszeit
sowie alles Gute im Neuen Jahr 2018!

Armer Rupprich

Zeiten, Zeiten sei dos itze!
Leit, e Rupprich heitzetog,
dar is fei net ze beneiden,
dä dar hot su seine Plog.

Früher, bracht er wos ne Kinnern,
machet er kenn grußen Ruß;
hot er sich kenn ogebrochen,
dä die Auswahl war net gruß.

Heit, do dauert enn e Rupprich,
dä er hot sei größte Nut.
Guckt nār in die Spielzeiglöden,
saht dos Super-Agebut!

Hunnert, tausend schiene Sachen,
alles nār fersch liebe Kind;
is e manichs aah net billig,
manichs teier wie de Sünd,

ober herrlich fer de Kinner,
die sich in dan Zeig verliebn,
un schu hobn se's mirnisch-dirnisch
of ihrn Wunschzettell geschriebl.

Dan kriegt nu dar gute Rupprich,
un er setzt sich sachte hie,
üm die Wünsch sich azegucken,
doch er hot de größte Müh,

dä wos draufstieht of dan Zettel,
's is doch werklich allerhand,
dos sei fer ne böhmische Dörfer,
dos geht über senn Verstand.

Früher, do war bei de Madle
ene Pupp abn ene Pupp.
Heit wolln se ne „Beauty Petra“.
Rupprich kratzt sich an senn Kopp,

dä do stieht ne „Happy-
Birthday-Topsi“ noch miet drauf,
un aah ne „Fantasy Barbie“,
un es gieht kaa Licht net auf.

Annre Maad wolln ze Weihnachten
ene „Charming Karina“
un e „Baby Born“, wos assen,
trinken, heiln un nassen ka.

Früher wünschtn klaane Gunge
schlicht e Spielzeigauto sich,
un su stand's aah of ihrn Zettel.
Heit, es is ja ferchterlich,

will dar Gunger enn „Manhattan
Sound Trap“ oder epper gar
ene „Space Wave“-Rennmaschine,
ferngesteiert, dos is klar.

Annre wieder wolln von „Lego“
enn „Container-Terminal“,
un der Rupprich kennt's net un dos
is ne wieder su fatal.

Manche Kinner hobn gern Spiele,
ober fei net „Domino“
oder „Halma“, „Mensch“ un „Mühle“
heit sei doch ganz annre do:

„Monster Mix“ un „Scrabble“ oder
„Master Mind Professional“
für „zwei Profi-Superhirne“.
Hobn se's, spielen se's of der Stell.

Mode sei aah Telespiele:
„Wonderboy“ und „Mickey Mouse“,
„Double Dragon“, „Monopoly“ —
kennt sich do noch annre aus?

Halt, e „Junior Computer“,
dar siebz Fuktione hot,
stieht miet of dar List, dar lange,
un der Rupprich, dar hot's soot.

De Kassetten net vergassen!
Märchen epper? Lieber Schrack!
'mende gar „Benjamin Blümchen“,
„Biene Maja“? Gieht mir wag!

„Knight Rider“ gefällt ne Kinnern,
Schwarzenegger un Bruce Lee,
„Rambo“, dos is der Stallone —
suwos is ne Kinnern schie!

Ja, nu sitzt dar gute Rupprich,
un es is schu spöt, so spöt,
un er ka net wetterlasen,
weil's ne in senn Kopp su dreht.

Hot er doch es Allermehrschte
von dan Wünschen, die er los,
gar net richtig zamm verstanden,
un er rebt sich seine Nos,

un er schamt sich fei net garschtig,
weil doch kaa Englisch ka.
Ar is doch aah nār e klaaner
ossideitscher Weihnachtsma.

dar sei Fach zwar gut gelernt hot,
doch noch in der DDR,
dan's su gieht, wie manichn annern:
Umzelerne fällt ne schwer.

Un er hult tief Luft, dar Arme,
un er achzt un stöhnt un denkt:
Wos fer Umständ su e Wandel
doch aah mir als Rupprich brengt...



Is Arzgebirgswort zweetausndsibzn

In unnerer „Frein Press“ war in Mantich, ne 13.11.2017 ze laasn, des se in Annabarger „Erzhammer“ „Das erzgebirgsche Mundartwort des Jahres“ ausgewählt ham. Dodrzu sei in ganzn Haufn Leit un aa viel Kinner aufgetraatn un ham urarzgebirgschis dargebutn, aa unner Hans aus dr Schennhaad war drbei. War eweng de Zeitung vorfolcht, den is ja net entgange, des schu seit längrer Zeit e paar schiene Artikle drschiene sei, die siech mit unnerer Haamitsproch befasst ham un aa de verschiedstn Ausdruck neigeschriebln wurn sei. Ieber 1000 Wörtle samt huchdeitscher Iebersetzung sei eigesandt wurn. Su zen Beispiel **Armedei** - trostlose Gegend, **Dangl** - Tannennadel, **hiepfaffern** - schwungvoll weglegen, **rimhaarschurwiern** oder aa **rimhaarschurn** - etwas suchen, stöbern, unsuwitter. Un nu issis raus: Dr absolute Gewinner is: „**S p e r r g u s c h n**“!

Is wird drwagn Zeit, des siech wieder emol e paar meh drauf besinne, wie schie unnere Sproch is, aa wenn mir im westlichn Taal vun Arzgebirg des aane oder annere Wort ganz annersch redn un schreibn, wie die do im Ostarzgebirg. Des ham mir aa den gutn Artiklschreiber-Maa vu dr Press gesaat, dar uns zwee, in Matthias un miech, aagerufn hat un siech ubedingt mit uns traffn wollt: Mir redn un schreibn, wie uns dr Schnobl gewachsn is! Un des hat dar aa schie riebergebracht, mir sei drwagn ganz gut in Wort un Bild an 9. Oktober drschiene! Des war schu ne gute Werbing vor unnern Haamitverein!

Erscht wollt dar gar net glabn, des mir schu 150 Blattle rausgebracht ham – un des aa noch immer termingeracht jedn Monat seit zweetausndfinfe! Des hattn ganz schie beedruckt.

Ach su, wie dar ieberhaupt auf uns kumme is, wollten mir wissen.



Des war sei Auftritt mit de Ieber-
raschungsgäst in September2016

Nu ganz aafach, ieber unnere Inernetseit: „heimat-verein-eibenstock.de“! Do hat ar schu fleißich recher-schierd un unnere Blattle un Geschichtle gelaasn. Do tät siechs ja ball luhne, mol e klaans Büchl draus ze machen, hat ar gemaant. Des hob iech mir aa schu lang emol ieberleecht, aber des is ne ugeheire Arbit, do muss jeds Geschichtl mit Bildern vorsetzt un in ne ganz annere Form mit Textfalder gebracht warn. Vielleicht gelingt mir des irgndwann. Aanezwanzich Geschichtle hob iech mittlerwiel schu mol an mein Kompjuter rim- un nimgeschriebln, aber des dauert halt...

Um noch emol aufn Ausgangspinktl zerickzekumme: is Gewinnerwort „Sperrguschn“ is gut gewählt – weil, do hammer ieberall genuch drvu! Iech tät do noch aans draufsetzn un des Wort „Platzmütz“ drzu schreiben, denn des trifft of de meestn Sperrguschn zu.

Un aans muss iech noch lus warn:

Wenn die in Annabarg denken, die ham is arzgebirgsche Pulver drfundn, do kaa iech nār sogn, des ham mir mitn Auer Arzgebirgsangsambl samt in Steffen Kindt, mit unnerer Eimstocker Märchnweihnacht un unnern Voranstaltunge im Verein schu längst mit ne Schennhaader Hans samt sein Gedicht vun „Hänsel un Gretl“ gekannt – weit vor de Arzgebirgshauptstädter!

Mannle mit nern Sack voll Nüss

Is war wiedermol su weit: Is ganze Gahr ham unnere Leit auf den Donnerstich im November gewart! Endlich wieder Bastln mit dr Annita! Was werd se siech nu diesmol wieder for ne Sach an Land gezugn hobn?

De Tür ging auf un mr tat erscht emol när e machtich grüßes Packl sah. „Des ka mr ja net laasn, do stieht was auf tschechisch drauf“ maant gelei aaner. Aber des war net ganz richtig: do warn ringsim noch viel meh verschiedene Sprochn un Buchstabn drauf, aber



Nischt, was aufn Inhalt schließn kennt. Dr Karton is aber erscht emol zugeblieb'n, denn is ging mit Musik lus. Iech hatt de Zither vu de Oswalds geborcht un hob miech wieder mol an den Instrument mit den arch vieln Saitn versucht, wie iechs halt als Schulkinnl mir salberst beigebracht hat. Zeerscht hab iech e langsams Arzgebirgsliedl - zen

Eispieln – unnergeleecht. Dann bi iech muticher wurn un hab is salber am Kompjuter erstellts Notnblattl mit dr Arzgebirgshymne „Deutsch un Frei“ mit e paar Holperer gespielt. Do muss mr halt eweng schnell imharhantiern auf die Zithersaitn. Bein de Walzer drnooch ging des schu besser. Mittlerweil kam is Assen aufn Tisch: Allis hat gestaunt, denn is gab was besonnersch, alsu net wie alle Toch! Feinster Gulasch, Rutkraut un sugar for jedn 2 Kließ! Un geschmeckt hat des, iech lack mir heit noch de Gusch drnooch. Mir ham uns dann aa bei dene Küchnwunnern harzlich bedankt.



Un dann gings endlich ans Bastln: Als erschtis wurd e Bild per Biemer na an de Wand gezaubert, un do wars klar, is solltn klaane Mannle warn mit nern Sack – also su e Sack, wu richtche Nüss nei komme! De Annita un ihre 2 Halfer tatn schie nooche-nanner alle Aanzeltaaler for



jedn austaaln. Is war net racht schwar, aber bei jedn ham die Mannle drwagn racht unnerschiedlich ausgesah. Manniche ham gelacht, annere aa drwagn eweng ganz schie finster



geguckt, abn esu, wie de Bastler halt is Gesichtl nauf gemolt hattn. Zen Schluss sei de Nüss dann noch nei den Sackl geschubn wurn. E paarle Nüss sei dann gelei emol probiert wurn, öb se aa gut schmeckn tätn. Un weils Bastln su schie vu dr Hand ging, ham e paarle vu uns gelei noch e Mannl un noch e Mannl auf ihrn Nüsssack gestellt...



Wu de Bastelei vorbei war, is noch is Neiste vu Eimstock beredt wurn, egal öb nu wichtig oder aa net – is muss mol gesaat warn!

Frohe Weihnacht
wünschn eich alln
dr Schmidti un dr Vürstand

Fotos: Peter Müller